

TE KURA KAUPAPA MĀORI O WAIRARAPA

TE PŪTĀTARA



MŌHENI #2 WIKI 10, WĀHANGA 3 2020


What is Te Aho Matua?

Te Aho Matua is the foundation document and driving force for Kura Kaupapa Māori. It lays down the principles by which Kura Kaupapa Māori identify themselves as a unified group committed to a unique schooling system which we regard as being vital to the education of our tamariki.

Te Aho Matua provides policy guidelines for parents, teachers and Boards of Trustees in their respective roles and responsibilities.

Te Aho Matua has six sections

- 1. Te Ira Tangata (the human essence)**, affirms the nature of the child as a human being with spiritual, physical and emotional requirements.
- 2. Te Reo (the language)**, deals with language policy and how the schools can best advance the language learning of their children.
- 3. Ngā Iwi (the people)**, focuses on the social agencies which influence the development of children, in short, all those people with whom they interact as they make sense of their world and find their rightful place within it.
- 4. Te Ao (the world)**, deals with the world which surrounds children and about which there are fundamental truths which affect their lives
- 5. Āhuatanga Ako (circumstances of learning)**, provides for every aspect of learning which the whānau feel is important for their children, as well as the requirements of the national curriculum
- 6. Ngā Tino Uaratanga (essential values)**, focuses on what the outcome might be for children who graduate from Kura Kaupapa Māori and defines the characteristics which Kura Kaupapa Māori aim to develop in their children.



"Ruia te taitea, kohia te rangiura"

TĒNĀ KOUTOU E TE WHĀNAU

Nau mai hoki mai ki to tātou mōheni tuarua. Kaua e wareware ki te titiro ki te whārangi pukamatā hoki mō ngā pānui o ia rā, ia wiki hoki.

pg.3 HE KŌRERO NĀ TE TUMUAKI

pg.4 HE PĀNUI

pg.5 TE WĀTAKA

pg.6-9 NGĀ AKOMANGA:

KURA NOHINOHI 6

KURA TEINA 7

KURA WAENGA 8

WHAREKURA 9

pg.10 KAPAHAKA

pg. 11 HĀKINAKINA

pg. 12-13 WHAKATAETAE WHAKAAHUA



HE KŌRERO NĀ TE TUMUAKI

E aku nui, e aku rahi tēnā tātou katoa. Ki a rātou kua huri ki tua o te ārai, haere, haere, haere. Ki a tātou te hunga ora, ka nui ngā mihi mahana ki a tātou. Kua tae mai a Koanga, ā, kua poroaki tātou i a Hōtoke. Kei te mahana haere ngā rā, ā, e harikoa ana a tātou tamariki. Kua tino harikoa anō hoki me te mea ka tīmata ngā hararei a te mutunga o tēnei wiki!

Kua mutu te mahi ki te whakahou i ngā tuanui o te whare whakaako tamariki, kua tahuri ngā kāmura ki te whakahou i ngā tuanui o te whare whakahaere. E ai ki a rātou, a te 9 o Oketopa ka mutu te mahi ki te whakahou i ngā tuanui ki te whare whakahaere, kātahi ka tīmata rātou ki te whakahou i ngā tuanui ki runga ake i te kihini me ngā wharepaki kei Kahurangi.

Kua whakairia tā tātou matarahi tuatahi, ā, kāore e roa ka whakairia ake i ētahi anō. Ngā mihi ki a Hākuini, ki a matua Carl, ki a Kōka Manaia me ngā rōpū tamariki kua whakapau kaha ki te tautoko i tēnei o a tātou kaupapa i ngā wiki kua hipa ake nei.

I tēnei wā hoki kei te whiriwhiri whakaaro mātou ko a tātou tamariki me ētahi mahi hei whakapaipai ake i te papa kei waho atu i ngā akomanga. Kei te āta whakaaro mātou kia neke te papa tākaro ki te taha kooti o te whare whakaako tamariki, ā, kia neke te maara ki te wāhi e noho ana te papa tākaro i tēnei wā. Kia neke te maara, ka whakatū papa tākaro anō mō a tātou tamariki 9-15 te pakeke, ka whakatū he teihana whakapakari tinana. Waihoki kei te whakarite anō hoki he ara paihikara ki te whīra.

Heoi, taihoa ake kia mutu ngā kāmura, ā, ka tīmata te mahi nei.

Nāku iti nei
Whaea Pip



HE PĀNU II



Te Pahi

Kia ora whānau.

Please don't forget to keep in contact with whaea Te Paea about your bus needs and any day to day changes for your tamariki, ngā mihi.

**MASTERTON
SHUTTLES**
027 961 3973
06 377 1923

HUI WHAKAMANA

FRIDAY 25TH SEPTEMBER
2PM

*SUMMER
uniform...*

Don't forget;
term 4 is
summer uniform
please contact
the tari if you
have questions
about uniform.



If you are not yet connected to our Facebook page, please jump on and join up

TE KURA KAUPAPA MAORI O WAIRARAPA WHARANGI
PUKA MATĀ

TANGI ANA, TANGI ANA RA TE NGĀKAU KI TŌ TĀTOU MOREHU O TE RUA TEKAU MĀ WARU O TE HOKOWHITU Ā-TŪ KUA RIRO NEI KI TUA O TE ĀRAI. E TE TAONGA O TE MATE, E KORO EPINIHA (PINE) RATAPU HOKI ATU RĀ KOE KI Ō MANA WHAKATIKETIKE OKIOKI AI.



WĀTAKA - WĀHANGA 4, 2020

	Rāhina	Rātū	Rāapa	Rāpare	Rāmere	Rāhoroi	Rātapu
Wiki 1	12/10 First day term 4 SUMMER UNIFORM	13/10 Staff PD 3.30pm Water Skills for Life classroom sessions	14/10	15/10 School Photos 9.30am	16/10	17/10 Kahurangi BK	18/10
Wiki 2	19/10	20/10 Quickfire Connections Yr12-13	21/10	22/10	23/10	24/10	25/10
Wiki 3	26/10 Labour Day	27/10	28/10	29/10 Haerenga wā 1-4 THE GLOW SHOW	30/10	31/10	1/11
Wiki 4	2/11	3/11	4/11	5/11	6/11 KAPAHAKA COMPETITION Awakairangi	7/11	8/11
Wiki 5	9/11	10/11	11/11	12/11	13/11	14/11	15/11
Wiki 6	16/11	17/11	18/11	19/11	20/11 UCOL Taster Day Yr 10	21/11 Kahurangi Bk	22/11
Wiki 7	23/11	24/11	25/11	26/11	27/11	28/11	29/11
Wiki 8	30/10	1/12	2/12	3/12	4/12 HUI WHAKAMANA	5/12	6/12
Wiki 9	7/12 ACTIVITIES WEEK Ta Haerenga Wharekura 2020	8/12	9/12	10/12	11/12 Last Day of school 2020	12/12	13/12
	14/12 TCB						

He mea ano:

KURA NOHINOHI

Ngā mihi matakukui ki a koutou katoa ngā whānau o Kura Nohinohi.

I Te tuatahi me mihi au ki ngā tamariki o kura nohinohi, nā rātou mātou e ārahi i tēnei wā. Kua hūnuku mātou ki te akomanga hou, ki Kōurarou, ā, ki reira mātou e ako ana ināianei.

Ko te kaupapa ako i tēnei wāhanga, ko Te Mata o te Whenua. E haere ana te kura nohinohi ki Pūkaha, ki te kite, kia rongo, kia rāwekeweke ki te whare tāpere o Whātonga. Harikoa ana ngā tamariki mō te haerenga nei.

He maha ngā akoranga kua puta mai i te wā Pakirēhua. Mā ngā tamariki anō e whakahaere i a rātou akoranga i tēnei wā. Nā reira kei ngā pikitia ngā hua kei te puta mai i ēnei akoranga.

I I harikoa tātou tamariki i te wā haere ki Pūkaha, i tino aro rātou ki te kaupapa. Ka tirotiro haere ki ngā manu rerekē, ngā tamariki o Tāne, anō hoki ka kitea rātou ki ngā kakahū o Papatūānuku. Miharo au ki te kitea ki ngā wānonga rawe atu, ka tino aro rātou ki ngā kōrero o whaea Eveline anō hoki he wahine hūmarie ia.

He mihi tēnei ki a koutou ngā mātua i tae mai ki haerenga o Pūkaha. Kei te mōhio mātou ngā kaiako he maha ngā mahi kei mua i ā tātou mō a tātou tamariki.

Kia noho haumaru koutou kei raro i te rangimarie.

Whaea Ana, Whaea Hubba, Whaea Tahi



KURA TEINA

Te Aho Matua 4.2:

Kia kaua te tamaiti e herea ki te ao kohatu. Kia wātea hoki ia ki te kapo mai i ngā painga, i ngā māramatanga katoa o te ao whānui.

Encourage children to marvel and value all life forms, and the balance of nature which gives each of those life forms it's right of existence.

Ngā mihi o te wāhanga kia tātou katoa.

Tuatahi, e tika ana kia mihi ki a Io Matua Te Kore. Koia rā te pūtaketanga o ngā mea katoa. Ki ngā tini mate kua whetūrangitia. Haere, hoki atu rā ki raro i te maru o Hine-nui-te-pō. Ōtira, kia tātou te hungaora tena tātou katoa.

He aha ngā mahi o Kura Teina?

Kātahi rā te pukmahī a ēnei tamariki. Ahakoa ngā piki me ngā heke o roto i tēnei ao. Āuē He wahanga whakaako.

Pakirēhua -Te Mahana o Te Ao

I ako ngā tamariki i ngā kōrero mō te wehenga a Ranginui rāua ko Papatūānuku. He nui ngā mahi ōhiomanomano hei rangahau mā ngā tamariki me te manaaki i ngā tamariki a Tānemāhuta rāua ko Tangaroa. Kātahi ka ako ngā tamariki i ētahi karakia hou. I ako hoki ngā tamariki mō ngā kōrero a Haumietiketike rāua ko Rongomātāne. Arā, tō rāua kaha ki te tipu kai. Kua whai kaha ngā tamariki ki te ako te tunu kai me te whakatō kai.

Pāngarau - Te Wāhi me te Ahunga - Taumata 1

Te Mātauranga

Kia mōhio ngā tamariki i te wāhi noho me te ahunga o tētahi mea i runga anō ki te hononga o tētahi atu mea.

Te Whakaoti Rapanga:

Ka whai, ka hoatu i ngā tohutohu māmā mō te neke

Te Reo Matatini:

Kia mōhio ki ngā kupu tūwāhi māmā o ia rā.

Mua, muri, roto, waho, taha mauī, taha matau, waenganui.


Nō reira e hoa mā,

Ko te manu e kai ana i te miro, nōna te ngahere.

Ko te manu e kai ana i te mātauranga, nōna te ao

Tīhei Mauriora!

Arohanui nā whaea Kiri rāua ko whaea Marata



KURA WAENGA

Mā wai ra e taurima te marae i waho nei. Mā te tika, mā te pono me te aroha e..Tau tahi, tau rua, e kore koe e wareware. Ka piri mai ko te aroha hei hoa haere. Kati rā, kei ngā mate o te hau kāinga ko koutou kua whetūrangitia, ko koutou kua takahi i te ara whānui a Tāne, ko koutou kua rere ki te ao wairua, haere, haere, haere atu rā. Ki a koutou ngā whānau e noho tonu nei i raro i ngā kapua pōuri, kia kaha, kia manawanui.

Ki te whānau whānui tēnā koutou katoa. Kua pātata mai ngā hararei, ā, e haere tonu ana ngā mahi i te kura. I tērā wiki i haere a tau 4-8 ki te whakaaturanga pūtaiao i tū ki te kura o Douglas Park. Mīharo ngā mahi pūtaiao i whakaritea hei tirotiro, hei whāwhā mā ngā tamariki. Tino harikoa a tātou tamariki ki te rāwekeweke i ngā taonga pūtaiao.

I tae mai hoki a matua Sam Ludden ki te whakaako i a mātou ki te mahi uku. I hanga tuna ngā mātou, auē te uaua hoki ki te mirimiri haere. I te mutunga i oti i a mātou te hanga tuna. I te wā nei, kei te ngana tā tātou rōpū kapahaka ki te whakaharatau i a rātou waiata mō ngā whakataetae kapahaka ā-rohe ka tū hei te 6 o Whiringa-ā-rangi.

Kia kaha ki te akiaki i a tātou tamariki kia manawanui mai ki te kapahaka. The holidays are just around the corner and there's still heaps to do. Our kapahaka group 'Nga Puāwai o te Kura' is practising hard and some of our performers need encouragement to focus. We are so happy that the Awakairangi kapahaka competitions are still on. Something to look forward to.

Nō reira i runga i tērā, kia tau ngā manaakitanga a te runga rawa ki runga i a tātou katoa.



WHAREKURA


Te Whakatipu kūmara

Hei te wāhanga tuatoru o tēnei tau 2020 o te ngārara Corona me ngā rāhui maha, I whai wā te akomanga Tikanga ā iwi o Mātua Wake ki te rangahau haere i te kai tapu, te kai ahu mai i Hawaiki nui, Hawaiki roa, Hawaiki pāmamao, e kīia nei ko te kūmara. I rangahautia te katoa o ngā tau 8-9 i ngā tini kōrero, pūrākau noki e hāngai ana ki te kai mīharo nei.

I akohia mātou i te waiata ‘Rau Kūmara’ nā Tātai Henare i tito. He raukura anoki te tamahine me te tama o Tātai Henare nō te Kura Kaupapa Māori o Wairarapa.

He ako hoki ngā ākonga nei ki ngā karakia kūmara e hāngai ana ki ngā tini mahi ka mahia hei whakatipu i te kūmara. I whakarite ai te katoa i tā rātou ano whakaaturanga i whakaatuhia ana i te mātauranga kūmara nā rātou anō i rangahautia i te wāhanga nei. I tirohia mātou i ngā tini pūrākau rerekē ō ia iwi, ō ia waka, e pā ana ki te kawenga mai me te taenga mai o te kūmara ki a Aotearoa nei. Kei te pikitia nei ko ngā haurua kūmara hei whakatipu anōtia i ngā aka kūmara arā, mā te wā ka whakatōkia i ngā aka ki te māra hei te wāhanga tuawhā o te tau nei.

Tūrou Hawaiki, Tūrou te aka kūmara!



KAPAHAKA

Awakairangi Regional Kapahaka Competitions
6 November 2020



HĀKINAKINA

POITŪKOHU WHAREKURA

E rua ngā tīma wharekura, arā ko te tīma o ngā tāne, ko te tīma o ngā kōhine. He kaha nō ngā tīma e 2 te whakatairanga i te kaha o tā tātou kura ki te hākinakina. Kua eke ngā kōhine ki te whiringa toa. Ia wiki, ia wiki e whakapou kaha ana ngā tama, ahakoa tokorima, tokoono noa ngā kaitākaro, ā, e 10 ki te tīma hoariri..



NGĀ KĀKANO - POITARAWHITI

Ko wai te toa nei? Ko Ngā Kākano, ko Ngā Kākano aue hī! I toa te tīma poitarawhiti nei te whakataetae mō tā rātou reanga tau 7/8 ahakoa ko ngā reanga o ngā tamariki he tau 5-8. Ka wani kē.



HOPUKINA TE ARIKI

Nō wai te winiwini, nō wai te wanawana, nō te whare tū taua.

Kia ora ai ngā tikanga, ngā tāonga mau rākau ā kui mā ā koro mā kua whakaritea e Te Whare Tū Taua i tēnei momo hākinakina whawhai rākau, hapū ki te hapū hei kēmu akiaki, hīkaka hoki mā ngā rangatahi.




Te Whakataetae Whakaahua...

He mihi nui ki a Tereimana raua ko Rarauia nā raua i toa i tēnei whakataetae.
Kei te whārangi uhi tā raua whakaahua! Mīharo korua me to mahi tuakana, teina!

Ānei he whakaahua ano i tuku ētahi tauira ki ahau.

Ko te kaupapa o te whakataetae ko TOKU KURA...

Mihi hui ki a koutou katoa!





Mihi nui ki ngā kaitango whakaahua, ko;
Rakainuku, Kawana, Rarauia, Tereimana, Terena rātou ko Te Manea.